



Моли́твы  
ко Пресвятой  
Богородице

Богороди́чное  
прави́ло  
Пято́исленные  
моли́твы

**По благословению  
архиепископа Тернопольского и Кременецкого  
СЕРГИЯ**

Сборник молитв ко Пресвятой Богородице — самое необходимое пособие для православных христиан. Молитвы эти, как дыхание души, обладают благотворной жизненной силой, умиротворяющей и оздоравливающей молящихся, всех тех, кто искренно, ото всего сердца просит Небесную Заступницу о помощи, о призрании на нас, грешных. Многомилостивая Пречистая Богородица подавала и подает Свое вспоможение всем труждающимся и обремененным, стремящимся к благодеяниям. Кроме Богородичного правила сборник содержит также Пяточисленные молитвы, так любимые великим подвижником Божиим святителем Димитрием Ростовским, в воспоминание земной и небесной радости всепетой Матери Христа. «От скверных устен моих, от мерзкого сердца, от нечистого языка и от души оскверненной прими, Госпоже Царице, сие похваление» — сказано в одной из этих молитв. Очищающая сила молитв к Богоблаженной и Пренепорочной Деве Марии да почиет на нас, грешных.

Сборник святых молитв, редкий по составу текстов, рассчитан на самый широкий круг православных людей.

## **Богородичное правило**

Ежедневно прочитывается 150 раз  
**«Богородице Дево, радуйся...»:**

**Богородице Дево, радуйся, Благодатная  
Марие, Господь с Тобою; благословена Ты  
в женах и благословен плод чрева Твоего,  
яко Спаса родила еси душ наших.**

Эту молитву заповедал творить преподобный Серафим Саровский своим дивеевским «сиротам» — сестрам Серафимо-Дивеевской обители — и всем боголюбивым мирянам, прибегавшим к его молитвенной помощи. Великий Старец благословлял ежедневно проходить по Канавке вокруг обители, прочитывая «Богородице Дево, радуйся...» 150 раз. В обители этот наказ преподобного Серафима неукоснительно исполняется и по сей день.

В беседе с Н. А. Мотовиловым Преподобный так говорил о Божией Матери: «Хотя враг диавол и обольстил Еву, и с нею пал и Адам, но Господь не только даровал им Испытателя в плоде Семени жены, смертью смерть поправшаго, но и дал всем нам в Жене, Приснодеве Богородице Марии, стершей в Самой Себе и стирающей во всем роде человеческом главу змиеву, неотступную Ходатаицу к Сыну Своему и Богу нашему, непостыдную и непреоборимую Предстательницу даже за самых отчаянных грешников. По этому самому Божия Матерь и называется “Язвою бесов”, ибо нет возможности бесу погубить человека, лишь бы только сам человек не отступил от прибегания к помощи Божией Матери». Вот почему так важно молиться Царице Небесной, особенно теперь, когда кругом столько соблазнов, скрытых и явных, наводимых врагом рода человеческого на неопытных и не знающих как защититься людей.

Если с непривычки трудно будет одолевать ежедневно 150 раз, следует читать поначалу 50 раз. После каждого десятка

надо читать по одному разу «Отче наш...» и «Милосердия двери...»:

**Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.**

**Милосердия двери отверзи нам, благословенная Богородице, надеющихся на Тя да не погибнем, но да избавимся Тобою от бед: Ты бо еси спасение рода христианскаго.**

Ниже приводится последование, которое составил владыка Серафим (Звездинский). Исполняя Богородичное правило, он молился за весь мир и охватывал этим правилом всю жизнь Царицы Небесной.

В начале этого правила читается:

**Отче наш... 1 раз.**

**Милосердия двери... 1 раз.**

**Молитва за духовного отца... 1 раз.**

## Молитва за духовного отца

Спаси, Господи, и помилуй отца моего духовнаго (*имя*). Прости ему вся прегрешения его, не осуди, не истязи ради греховной моей жизни, исполни его мудростию, молитвою и любовью, и ради его святых молитв даруй моим грехам прощение и жизни исправление, в добродетели же преуспеяние. Ниспосли ему милости Твоя богатая, сподоби его в день сей без греха сохраниться. Побори его враги плотския и безплотныя и от наветов их избави его. Соблюди паству его от всех сетей диавольских и даждь нам, Господи, в покаянии утвердить жизнь нашу, в заповедех Твоих и в любви друг ко другу.

Помяни, посети, укрепи, Господи, духовнаго отца моего (*имя*) и сохрани его на многая лета. Твое бо есть еже миловать и спасати нас, Боже наш, и Тебе славу возсылаем, Отцу и Сыну, и Святому Духу, ныне и присно, и во веки веков. Аминь.

**Первый десяток.** Вспоминаем Рождество Пресвятой Богородицы. Молимся о матерях, отцах и детях.

### **Тропарь, глас 4**

Рождество Твое, Богородице Дево, радость возвести всей вселенней: из Тебе бо возсия Солнце Правды, Христос Бог наш, и разрушив клятву, даде благословение, и упразднив смерть, дарова нам живот вечный.

О Пресвятая Владычице Богородице, спаси и сохрани рабов Твоих (*имена родителей и сродников*), а умерших со святыми упокой в вечной славе Твоей.

**Второй десяток.** Вспоминаем Введение во храм Пресвятой Девы Богородицы. Молимся о заблудших и отпавших от Церкви.

### **Тропарь, глас 4**

Днесь благоволения Божия предображение и человеков спасения проповедание: в храме Божии ясно Дева является и Христа всем предвозвещает. Той и мы



велегласно возопиим: радуйся, смотрения  
Зиждителява исполнение.

О Пресвятая Владычице Богородице, спаси и сохрани и соедини (или присоедини) к святой Православной Церкви заблудших и отпавших рабов Твоих (*имена*).

**Третий десяток.** Вспоминаем Благовещение Пресвятой Богородицы. Молимся об утлении скорбей и утешении скорбящих.

### **Тропарь, глас 4**

Днесь спасения нашего главизна и еже от века таинства явление, Сын Божий Сын Девы бывает и Гавриил благодать благовестует. Темже и мы с ним Богородице возопиим: радуйся, Благодатная, Господь с Тобою!

О Пресвятая Владычице Богородице, утоли наши скорби и пошли утешение скорбящим и болящим рабом Твоим (*имена*).

## Евангелие от Луки (1, 26–38)

В месяц же шестый послан бысть Ангел Гавриил от Бога во град Галилейский, емуже имя Назарет, к Деве, обрученной мужеву, емуже имя Иосиф, от дому Давидова; и имя Деве Мариам. И вшед к Ней, Ангел рече: «Радуйся, Благодатная, Господь с Тобою, благословена Ты в женах». Она же, видевши, смутися от словеси его и помышляше, каково будет целование сие. И рече Ангел Ей: «Не бойся, Мариам: обрела бо еси благодать у Бога; и се, зачнеши во чреве и родиши Сына, и наречеши имя Ему Иисус. Сей будет велий, и Сын Вышняго наречется: и даст Ему Господь Бог престол Давида, отца Его; и воцарится в дому Иаковли во веки, и Царствию Его не будет конца». Рече же Мариам ко Ангелу: «Како будет сие, идеже мужа не знаю?» И отвещав, Ангел рече Ей: «Дух Святый найдет на Тя, и сила Вышняго осенит Тя; темже и Раждаемое Свято наречется Сын Божий.

И се Елисавет, южика\* Твоя, и та зачат сына в старости своей; и сей месяц шестый есть ей, нарицаемой неплоды: яко не изнеможет у Бога всяк глагол». Рече же Мариам: «Се, Раба Господня; буди Мне по глаголу твоему». И отыде от Нея Ангел.

**Четвертый десяток.** Вспоминаем встречу Пресвятой Богородицы с праведной Елисаветой. Молимся о соединении разлученных, у кого близкие или дети в разлуке или пропали без вести.

#### **Седален, глас 4**

Из службы пророку Захарии и праведной Елисавете,  
память 5 сентября

Воплотившуся уже Мессии, первую ты благовестницу слышим, егда к целовавшей ты Богоизбранней Отроковице со ужасом глаголала еси: «Откуда мне сие, да приидет Мати Господа моего ко мне?» Восхваляюще убо ты, вопием: «Радуйся, зеркало, тайны Божия нам являющее».

О Пресвятая Владычице Богородице, соедини в разлуке находящихся рабов Твоих (*имена*).

---

\* Родственница.

**Пятый десяток.** Вспоминаем Рождество Христово, молимся о возрождении души, о новой жизни во Христе.

**Тропарь, глас 4**

Рождество Твое, Христе Боже наш, возсия мирови свет разума, в нем бо звездам служащий звездою учахуся Тебе кланяться, Солнцу Правды, и Тебе ведети с высоты Востока: Господи, слава Тебе!

О Пресвятая Владычице Богородице, даруй мне, во Христа крестившемуся, во Христа облекшися.

**Шестой десяток.** Вспоминаем Сретение Господне, и прореченное св. Симеоном слово: «И Тебе Самой оружие пройдет душу». Молимся, чтобы Матерь Божия встретила душу в час кончины и сподобила при последнем издыхании причаститься Святых Таин, и провела бы душу через страшные мытарства.

**Тропарь, глас 1**

Радуйся, Благодатная Богородице Дево, из Тебе бо возсия Солнце Правды, Христос Бог наш, просвещающий сущия во

тьме; веселися и ты, старче праведный, приемый во объятия Свободителя душ наших, дарующаго нам воскресение.

О Пресвятая Владычице Богородице, сподоби меня при последнем издыхании причаститься Святых Таин Христовых и Сама проводи душу чрез страшные мытарства.

**Седьмой десяток.** Вспоминаем бегство в Египет Божией Матери с Богомладенцем, молимся, чтобы Царица Небесная помогла избежать искушений в этой жизни и избавила бы от напастей.

Се, Ангел Господень во сне явился Иосифу, глаголя: «Востав, поими Отроча и Матерь Его и бежи во Египет, и буди тамо, дондеже реку ти: хочет бо Ирод искати Отрочате, да погубит Е» (Мф. 2, 13). Бог явился в сени сидящим, от Девы родивыйся во еже спасти нас.

О Пресвятая Владычице Богородице, не введи меня во искушение в сей жизни и избави мя от всяких напастей.

**Восьмой десяток.** Вспоминаем, как Пресвятая Богородица искала двенадцатилетнего Отрока Иисуса в Иерусалиме. Молимся, испрашивая у Божией Матери непрестанную Иисусову молитву.

О Мати наша Прекрасная! Соболезнуем скорбь Твою, егда Сына Твоего и Бога нашего, двоюнадесятилетнего Отрока, на пути из Иерусалима не обретише. О велия радость Твоя, егда Сына Твоего по триех днех в церкви обрела еси. О Цвете Неувядаемый! Не лиши и нас небесной радости узрети Сына Твоего, Господа нашего Иисуса Христа, для спасения нашего.

О Пресвятая Владычице Богородице, Пречистая Дево Марие, даруй мне непрестанную молитву Иисусову.

**Девятый десяток.** Вспоминаем чудо в Кане Галилейской, когда Господь претворил воду в вино по ходатайству Божией Матери. Просим у Пресвятой Богородицы помощи в делах и избавления от нужды.

## Икос, глас 8

Триодъ постная, Великий Пяток утра

Своего Агнца Агнице зрящи к заколению влекома, последоваше Мария простертыми власы со иными женами, сия вопиючи: «Камо идеши, Чадо? Чесо ради скорое течение совершаеши? Еда\* другой брак паки есть в Кане Галилейстей, и тамо ныне тщишися, да от воды им вино сотвориши? Иду ли с Тобою, Чадо, или паче пожду Тебе? Дажь Ми слово, Слове, не молча мимоиди Мене, Чисту соблюдый Мя: Ты бо еси Сын и Бог Мой».

О Пресвятая Владычице Богородице, помоги мне во всех делах моих и избави меня от всяких нужд и печали.

**Десятый десяток.** Вспоминаем стояние Божией Матери у Креста Господня, когда скорбь, как оружие, пронзила Ее душу. Молимся Божией Матери о подкреплении душевных сил, помощи в скорби и об отгнании уныния.

---

\* Неужели.

## **Богородичны отпустительныя, глас 4**

Дево Пренепорочная, Мати Христа Бога, оружие пройде Твою Пресвятую душу, егда распинаема видела еси волею Сына и Бога Твоего. Егоже, Благословенная, молящи не престай, прощение прегрешений нам даровати.

О Пресвятая Владычице Богородице, Преблагословенная Дево Марие, укрепи мои силы душевные и отжени от меня уныние.

**Одиннадцатый десяток.** Вспоминаем Воскресение Христово. Просим Божию Матерь воскресить душу и подать бодрость к подвигу.

## **Тропарь, глас 5**

Христос воскре се из мертвых, смертию смерть поправ и сущим во гробех живот даровав.

О Пресвятая Владычице Богородице, воскреси душу мою и даруй мне постоянную готовность к подвигу.



**Двенадцатый десяток.** Вспоминаем Вознесение Господне. Молимся и просим Царицу Небесную вознести душу от земных суетных забот и направить к горнему.

### **Тропарь, глас 4**

Вознеслся еси во славе, Христе Боже наш, радость сотворивый учеником обетованием Святаго Духа, извещенным им бывшим благословением, яко Ты еси Сын Божий, Избавитель мира.

О Пресвятая Владычице Богородице, избави меня от помышлений суетных и даруй мне ум и сердце, стремящееся ко спасению души.

**Тринадцатый десяток.** Вспоминаем Сионскую горницу и Сошествие Святаго Духа на апостолов и Божию Матерь.

### **Тропарь, глас 8**

Благословен еси, Христе Боже наш, Иже премудры ловцы явлей, низпослав им Духа Святаго, и теми уловлей вселенную. Человеколюбче, слава Тебе.

Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святого не отыми от мене.

О Пресвятая Владычице Богородице, ниспосли и укрепи благодать Святого Духа в сердце моем.

**Четырнадцатый десяток.** Вспоминаем Успение Пресвятой Богородицы и просим мирной и безмятежной кончины.

### **Тропарь, глас 1**

В Рождестве девство сохранила еси, во успении мира не оставила еси, Богородице, преставилася еси к животу, Мати сущи Живота, и молитвами Твоими избавляеши от смерти души наша.

О Пресвятая Владычице Богородице, даруй мне мирную и безмятежную кончину.

**Пятнадцатый десяток.** Вспоминаем славу Божией Матери, которой увенчалась Она от Господа после переселения Ее от земли на небо, и молим Царицу Небесную

не оставлять верных, сущих на земле, но защищать их от всякого зла, покрывая их честным Своим омофором.

### **Стихира, глас 1**

**Из службы Успению Пресвятыя Богородицы**

О дивное чудо! Источник жизни во гробе полагается, и Лествица к небеси гроб бывает. Веселися, Гефсимание, Богородичен святой доме! Возопиим, вернии, Гавриила имуще чинопачальника: Благодатная, радуйся, с Тобою Господь, подай миру Тобою велию милость.

О Пресвятая Владычице Богородице, сохрани мя от всякого зла и покрый мя честным Твоим омофором.

### **Молитва**

Достойно славимая и праведно от всех Горних Чинов ублажаемая, яко без сравнения их Превосходящая, Бога и Творца всяческих Рождшая, паче всех Возвеличенная! Ей же, яко Царице, предстоят лица Ангельстии, Гавриилу песнь возглашающие: «Радуйся, Благодатная!..»

Наши же грешные и бранные уста  
кую достойную похвалу принести воз-  
могут величию Твоему, точию да зовем  
Ти: о Пречудная Владычице! Молися из  
Тебе воплощенному Христу Богу наше-  
му, да призрит на ны, люди безответныя,  
да сохранит невредимых от всех навет  
вражиих и злых клевет, много бо может  
Твоя Матерняя молитва, по реченному:  
«Проси, Мати Моя, не отвращая, но вся  
прошения Твоя исполню!» Радостию  
о сем исполняеми, взываем Ти: спаси,  
Владычице, погибающия рабы Твоя, про-  
свети омраченные суемудрствованиями  
века сего и приведи ны к Сладчайшему  
Иисусу, да вечно радуешься, взываем:  
слава Отцу, слава Сыну, слава Святому  
Духу, слава и Тебе, Преславней и  
Пренепорочней Деве Богоматери, убла-  
жаемой и благословляемой в безконеч-  
ные веки веков. Аминь.

Радуйся, Радосте наша, покрый нас от  
всякаго зла честным Твоим омофором!

## Пяточисленные молитвы

Эти молитвы сложены святителем Димитрием Ростовским по видению одного старца в память скорбей, которые претерпела Пресвятая Дева Мария.

«Один старец от Богоносных Отцев, стоя на молитве и быв в восторге, слышал глас Господа нашего Иисуса Христа, глаголющего с Пречистою и Пресвятою Богородицею, Материю свою:

— Рцы Мне, Мати Моя, колико болезней наибольших, живущи на свете, претерпела еси Мене ради?

И рече Пресвятая:

— Сыне и Боже Мой! Наибольших пять болезней Тебе ради претерпела: **первая** — егда услышала от Симеона Пророка, еже имел еси убиен быти; **вторая** — егда, ищущи Тебе во Иерусалиме через три дня, Ты не видела есмь; **третья** — егда Ты пой-

мана и связана от жидов услышала; **четвертая** — егда Тя на Кресте между разбойниками Распятого видела; **пятая** — егда Тя видела во гробе полагаема.

И рече к Ней Господь:

— Глаголю Тебе, Мати Моя: аще кто каждую болезнь Твою на кийждо день прочтет с молитвою Моею, сие есть «Отче наш» и Архангельское обрадование, сие есть «Богородице, Дево радуйся» — за первую болезнь дам ему познание грехов и жале-ние о них; за вторую — дам ему всех грехов прощение; за третью — возвращу ему добродетели его, через грехи изгибшия; за четвертую — напитаю его, при смерти его, Телом и Кровию Моею Божественною; за пятую — явлюся ему Сам при смерти его и приму душу его в живот вечный. Аминь».

### **Начало к сим молитвам**

Слава Тебе, Христу Богу Моему, не погубившему мя грешнаго со беззаконь-ми моими, но даже доселе грехом моим потерпевшему (*поклон*).

Сподоби, Господи, в день сей без греха сохранитися нам; даруй, Господи, да ни

словом, ни делом, ни помышлением  
прогневаю Тя, Создателя моего, но  
вся дела моя, советы и помышления да  
будут во славу Пресвятаго имени Твоего  
(поклон).

Боже, милостив буди мне, грешному,  
во всей жизни моей; во исходе моем и по  
кончине моей не остави мене (поклон).

Сие падши ниц на земли, глаголи:

Господи Иисусе Христе, Сыне  
Божий, прими умершего мя душею и  
умом. Прими мя грешного, блудника,  
скверного душею и телом. Отыми непри-  
язнь безстудную и не отврати лица  
Твоего от мене, не рцы, Владыко: «Не  
вем, кто еси», но вонми гласу моления  
моего; спаси мя, яко имеяй множество  
щедрот и не хочещи смерти грешника;  
не оставляю же Тя, Создателя моего, и не  
отступлю от Тебе, дондеже послушаеши  
меня и даси всем грехом моим прощение,  
молитв ради Пречистой Матери Твоея,  
предстательства Честных Небесных Сил

безплотных, святого славного Ангела хранителя моего, Пророка же и Предтечи и Крестителя Иоанна, богоглаголивых Апостол, светлых и добропобедных мучеников, преподобных и богоносных отец наших и всех Твоих святых, помилуй и спаси мя грешнаго. Аминь.

Царю Небесный.., Трисвятое.., Отче наш... Яко Твое есть Царство и Сила и Слава во веки. Аминь. Богородице Дево, радуйся...

По сем:

### **Молитва 1-я**

**О** Мати Милосердая, Дево Марие, аз грешный и непотребный раб Твой, воспоминаючи Твоя болезни, егда Ты слышала от Симеона Пророка о немилостивном убиении Сына Твоего, Господа нашего Иисуса Христа, приношу сию Тебе молитву и Архангельское обрадование, прими в честь и память болезней Твоих и умоли Сына Твоего — Господа нашего Иисуса Христа, да



дарует ми познание грехов и жаление о них (*поклон*).

### **Молитва 2-я**

Отче наш... Яко Твое есть Царство и Сила и Слава во веки. Аминь. Богородице Дево, радуйся...

О Богоблаженная и Пренепорочная Отроковице, Мати и Дево, прими от мене, грешнаго и непотребнаго раба Твоего, сию молитву и Архангельское обрадование в честь и память болезни Твоея, егда позабыла Сына Твоего, Господа нашего Иисуса Христа, в церкви и три дни Его не видела еси; умоли Его и испроси у Него всех грехов моих прощение и оставление, Едина Благословенная (*поклон*).

### **Молитва 3-я**

Отче Наш... Яко Твое есть Царство... Богородице Дево, радуйся...

О Мати Света, Препоблагословенная Дево Богородице, прими от мене, грешнаго и непотребнаго раба Твоего сию

молитву и Архангельское обрадование в честь и память болезни Твоея, егда Сына Твоего, Господа нашего Иисуса Христа, поймана и связана слышала еси. Умоли Его, да возвратит мне добродетели, через грех изгибшия, да Тя, Пречистая, во веки величаю (*поклон*).

#### **Молитва 4-я**

Отче Наш... Яко Твое есть Царство...  
Богородице Дево, радуйся...

О Милосердия Источнице, Дево Богородице, приими от мене, грешнаго и непотребнаго раба Твоего, сию молитву и Архангельское обрадование в честь и память болезни Твоея, егда на Кресте между разбойники видела еси Сына Твоего, Господа нашего Иисуса Христа, Егоже умоли, Владычице, да подаст ми дар милосердия Своего в час смерти моя и да напитает мя Телом и Кровию Своею Божественною, да Тя, Заступницу, славлю во веки (*поклон*).

## Молитва 5-я

Отче наш... Яко Твое есть Царство...  
Богородице Дево, радуйся...

О Надеждо моя, Пречистая Дево  
Богородице, прими от мене, грешного и  
непотребного раба Твоего, сию молитву  
и Архангельское обрадование в честь и  
память болезни Твоея, егда видела еси  
Сына Твоего, Господа нашего Иисуса  
Христа, во гробе полагаема. Егоже умоли,  
Владычице, да явится мне в час смерти  
моея и да примет душу мою в живот  
вечный. Аминь *(поклон)*.

О Премилостивая Дево, Госпоже  
Богородице, чадолюбивая Горлице, небесе  
и земли Самодержавная Царице, любезная  
Приемнице всех простирающих к Тебе  
свои мольбы, печальных Утешительнице,  
прими от мене, грешного и непотребного  
раба Твоего, пяточисленное сие моление,  
в немже воспоминаю земныя и небесныя  
Твоя радости, умильно вопиющая к Тебе  
сице:

## **Земные радости**

**Радуйся**, зачавшая во чреве без семени Христа Бога нашего. **Радуйся**, во чреве без болезни носившая Того. **Радуйся**, породившая чудным смотрением. **Радуйся**, восприимшая от волхвов-царей дары и поклонение. **Радуйся**, яко обрела еси посреди учителей Своего Сына и Бога. **Радуйся**, яко Рождество Твое преславно из мертвых воста. **Радуйся**, видевшая возносящагося Своего Создателя, к Нему же Сама душою и телом возшла еси.

## **Небесные радости**

**Радуйся**, девства ради Своего, паче Ангел и всех святых Преславная. **Радуйся**, близ Пресвятыя Троицы просияющая. **Радуйся**, Миротворице наша. **Радуйся**, Властительнице, обладающая всеми Небесными Силами. **Радуйся**, паче всех дерзновение к Сыну и Богу Своему имущая. **Радуйся**, милосердая Мати всем, к Тебе прибегающим. **Радуйся**, яко Твое веселие во веки не скончается!

И мне, недостойному, по неложному обещанию Твоему, в день исхода моего милостива предстани, да Твоим руководством управлен буду к горнему Иерусалиму, в нем же прославленно царствуеши с Сыном Твоим и Богом нашим, Ему же подобает всякая слава, честь и поклонение со Отцем и с Пресвятым Духом безконечныя веки веков. Аминь.

От скверных устен моих, от мерзкаго сердца, от нечистаго языка и от души оскверненной приими, Госпоже Царице, сие похваление, Радосте моя. Приими, якоже вдовии прияла сии две лепты, и даруй ми принести Твоей благодати дар достоин. О Владычице моя Пречистая Дево, Небесная Царице, якоже хощещи и волиши, паче же научи мя, что ми подобает Тебе, Матери Божией, глаголати к Тебе единой грешных прибежищу и утешению. Радуйся, Владычице, да и аз, многогрешный раб Твой, радостно

зову Тебе, всепетой Матери Христа Бога нашего. Аминь.

На Твой Пресвятый образ взирая, яко истинную самую Тя зрю Богородицу, верою сердечною от души припадаю и поклоняюсь с Предвечным на руку Твоею держимым Младенцем, Господом нашим Иисусом Христом, боголепно почитаю и молю Тя со слезами: покрый мя покровом Твоим, от враг видимых и невидимых, Ты бо род человеческий ввела еси в Царство Небесное. Аминь.

По сем:

Достойно есть, яко воистину...

Слава и благодарение Господу за все!

## **Содержание**

Богородичное правило.....	3
Пяточисленные молитвы .....	20

**Православное издательство  
«ПАЛОМНИК»**

**предлагает широкий выбор православной литературы,  
осуществляет отгрузку и транспортировку книг  
контейнером в разные концы России.**

**Адрес оптового склада:**

**Москва, Рубцов пер., д. 4.**

**Тел./факс 8-499-261-57-55.**

**Время работы с 11.00–18.00.**


**Проезд: ст. м. Бауманская.**

**Адрес книжного магазина  
издательства  
«ПАЛОМНИК»:**

**г. Сергиев Посад, ул. 1-й Ударной Армии, д. 4а.**

**Часы работы:**

**с 10.00 до 18.00, без выходных**





**МОЛИТВЫ**  
**КО ПРЕСВЯТОЙ БОГОРОДИЦЕ**  
**Богородичное правило**  
**Пяточисленные молитвы**

Обложка  
**Анна Любавина**

Верстка  
**Екатерина Белогорцева**

© Православный Паломник-М, 2010

Подписано в печать 3.12.2010. Формат 70х100<sup>1/32</sup>.  
Печать офсетная. Бумага газетная. Гарнитура «Гарамонд».  
Тираж 30 000 экз. Объем 1 п. л. Заказ 3746

Адрес издательства: 111141, г. Москва, ул. Плеханова, 15.

Отпечатано в соответствии с качеством  
предоставленного электронного оригинал-макета  
в ОАО «Чеховский полиграфкомбинат».

Адрес типографии: 142300, г. Чехов Московской области.  
Сайт: [www.chpk.ru](http://www.chpk.ru) Email: [marketing@chpk.ru](mailto:marketing@chpk.ru)  
факс 8(496) 726-54-10, тел. 8(495) 988-63-87

